

# 拒绝老套！ 古风动画妙用情

想喺古风动画界玩出新花臣,听起身好简单,但实质上十分考验制作组的创新精神。等Color君嚟同大家推三部古风番,几层含义的“情”字将会贯穿几个古风世界,包保招招新鲜,一啲都唔会老套。《百妖谱》再续前话,开启第三季,作为打工仔嘅女主角重逢第二春,人与妖之间掂出火花;《君有云》金手指男主,主角光环傍身,为救一个人而搅动成个江湖,诠释深厚师徒情;大眼仔版《诛仙》萌翻宅友,卡通版都可以演绎正剧古风,男主和双女主的情爱纠葛都超吸睛。

秦丽莹/文 官方微博/图



## 人妖情未了

唔见咗《百妖谱》嘅桃夭一行人,来到京师发展并寻找《百妖谱》嘅下落。喺过程中,帮助化解人与妖之间嘅摩擦,产生啱啱少奇趣故事。喺今季,桃夭化身打工仔,与司府二少爷耍花枪,听闻仲会擦出火花添。除咗唔安分嘅妖精会做坏事,人类都可以为咗一己私欲“搞事情”,神通广大嘅桃夭都被呢班人阴咗一铺,最后发现,原来都是“情”字作怪……今季嘅画面绘制发挥稳定,更有网友大赞音乐同画面十分合衬,再加上悲喜交集的单元剧情设置,引人入胜,令大家一睇就停唔到。比起上两季,《百妖谱》第三季讲述嘅京师风,以“情”字贯穿整线,因此悲情结局甚少,对坏结局“过敏”的朋友仔大可放心去追番啦。

## 武侠新打法

男主角的师傅谢看花被“上林天宫”一派掳去,学武不精的苏白衣无计可施,只能顶硬上亲自寻找师傅下落。喺学宫的时候,遭人暗算,饱受迷药之苦,却意外激发身体潜能,但亦导致与师兄发生拗,“师徒情”岌岌可危。“冤种”师徒两人玩“你瞞我瞞”,二人都系大佬级别,原来都係扮猪吃老虎,只有配角受伤的剧情达成了。整部《君有云》的武斗场面运镜流畅,将搞笑片段巧妙地插入正剧故事中,剧情唔会太枯燥乏味。但特效评分就呈现两极分化,有影迷就大吐苦水,话武侠变咗修仙,连刀光剑影都可以横劈一座山,实在夸张;但都有人觉得新打法有意思,古风不等于古朴,不失为一种值得赞赏的动画制作新方法。



## 动画版逆袭

《诛仙》各个版本都睇唔够嘅?今次动画版来啦!逃过了IP评分魔咒,大眼仔版《诛仙》动画经历了过山车般的评分变化过程,从一开始不被看好,到宜家在众多变幕版本中斩获最高评分,口碑肉眼可见地变好。张小凡经历屠村惨案后,投奔“青云门”为咗复仇磨练自身,喺友情与爱情的加持下,一步步变强。动画版《诛仙》中,最受期待嘅就係,两位重要女主陆雪琪和碧瑶与主角相遇的剧情,两女一男的爱恨纠葛,想象到的狗血,想象唔到的吸睛。《诛仙》动画用实力证明了用卡通画风亦可以讲好一个故事,证明动画组编剧的实力不容小觑,但可以一个套路常规的故事用全新角度去诠释,够新又够劲,连好多愤尖的书迷都不得不承认,动画版最贴合《诛仙》原著。



## 诛仙

# 去邂逅星际旅人

你有冇好奇过,浩瀚神秘嘅未来宇宙会係一个点样嘅世界?前排上线嘅手游《跃迁旅人》,就向大家展示咗一个神奇嘅二次元宇宙,有属性多元嘅星球文明等你探索,有基因异化嘅外星萌宠等你邂逅,准备好就开启一场太空冒险之旅啦。

陈祉伶/文 官方微博/游戏截图



## 专属故事线

《跃迁旅人》拥有令人耳目一新嘅新世界,喺游戏构建嘅未来宇宙中,许多星球都因大爆炸化成碎片,玩家需要指挥“星际旅人”,穿梭于各个星球参与冒险战斗。而星际旅人其实係一班风格各异、由不同物种演化而来嘅外星萌宠,但她们可能拥有可爱猫耳,可能头顶开出小花,可能身披坚硬甲片……加入不同自然产物特征嘅角色设计,在外星设定下相得益彰。游戏中有大大小小嘅剧情文本支撑完整宇宙体系,为每位旅人打造专属故事线,除咗常见的数值养成之外,提供更有温度嘅养成内容,十分适合重视角色养成和陪伴感玩家。



## 赏多元画风

游戏嘅核心玩法,为简单放置操作加深度策略体系,战斗方式基本遵循自走棋逻辑,另外在不同场景中加入机关地形来丰富策略性。虽然,战斗机制有大大创新,但游戏利用多元美术风格以及奇妙UI设计,仍然做出咗漂亮嘅差异化。《跃迁旅人》大胆采用既复古又潮流嘅像素风,并借助高对比度嘅色彩搭配让视觉呈现更具未来感,与游戏设定更加契合。更值得称道嘅係,游戏UI设计高度模拟真实嘅手机系统,唔同嘅游戏模块化身各类“APP”,游戏角色甚至可以同玩家打电话、发短信,呢啲代入感极强嘅交互设计,令玩家获得真正嘅“沉浸式体验”。

# 云养宠物新姿势

都市人压力大、孤独感强,好多时都渴望可以养番只可爱又粘人嘅宠物,不过碍于种种原因未能养上,于是喺游戏中云养宠物,就成为大家嘅热门消遣方式。最近又有一款宠物模拟养成游戏上线啦!

陈祉伶/文 官方微博/游戏截图



## 3D狗狗以假乱真

宠物养成游戏层出不穷,“后浪”想要喺呢条赛道中突围,都真係有啱容易。而《梦幻小狗》呢款新游之所以能受到玩家青睐,其最大亮点就在于采用3D写实风格对狗狗进行建模。不但细致地刻画出各个犬种嘅外型特征,更参照现实中嘅狗狗动态,最大程度还原“汪星人”的一举一动。游戏中有超过60种狗狗品种可供解锁;温顺懂事嘅金毛、调皮粘人嘅比熊、逗趣嘅牛头梗、“拆迁大队”二哈……仲有少量二次元限定嘅奇幻犬种添。你可以将各种世界名犬带回家中细心照顾,让自己小小犬舍变成宝藏“宠物馆”,随时可rua、可拍照,收获满满成就感。

## 和伙伴一起游戏



## 玩法丰富唔会闷

在《梦幻小狗》中,你可以通过遛弯、喂食、洗香香,提升狗狗嘅愉悦心情,也可以通过手势指令教佢解锁多种动作。玩家都可以同“汪星人”尝试不同穿搭。将自家狗狗打扮到靓靓后,就可以同其他小狗比拼颜值,享受狗狗选美嘅乐趣。而犬舍亦可以自由设计装潢,琳琅满目嘅宠物家具任你选择,随心摆放,为你的“汪星人”打造专属嘅撒欢天地。玩家们在游戏中仲可以一起分享养宠干货,带住小狗拜访邻居,找到好嘅小伙伴一起玩,求婚成为伴侣兼培育幼崽,社交玩法十分齐全。